

欽定大清會典事例

卷九百五十四

工部

製造庫工作

欽定大清會典事例卷九百五十三

工部

製造庫工作

職掌制

尊藏

冊

冊

寶定寶

職掌○順治元年。設製造庫。○十六年。裁歸內監局。本年改歸工部。○十八年定。鹵簿車駕儀仗。舊屬營繕司設局分造。今改歸都水司。○雍正元年定。都水司所隸

冊

寶儀仗簾子庫門神庫織造器用匠役。均改歸製造庫管理。○嘉慶五年奏准。鹵簿及一切儀仗。均會

同鑾儀衛敬謹修理。○十三年議准。嗣後辦理都水司所付一切大小各工。應呈派製造庫滿漢司員二員。專司查驗。於各工完竣後。由查驗之員呈報工完。交庫存案。仍俟一年期滿。再行呈派更替。每屆期滿之時。該查驗之員。將一年任內承辦各工已完未完。具稿交代。其未完之件。仍令期滿之員上緊趕辦。俟全行完竣後。再行呈遞堂呈。交庫查覈備案。並於每月分月摺列查驗司員銜名。

寶定制○

皇帝御寶大箱。高一尺三寸。方一尺二寸。木質朱髹。繪紅黃金雲龍。裏糊黃綾。小箱高九寸。方八寸五分。金質。釵香草花文。箱架高二尺一寸。方一尺八寸。枴木為之。雕刻龍文。朱髹貼金。邊釘金什件。

寶色池。連蓋高三寸四分。方六寸四分。純素金質。其袱褥墊袋等件。皆用黃綺。○乾隆十六年。改歸造辦處恭辦。○

皇太后金

冊十頁。每頁高七寸一分。闊三寸二分。用三等赤金十有八兩。儲

寶匣。六成金百有八兩。

寶色池。六成金六十兩。儲

冊大箱。高一尺三寸。長一尺三寸五分。闊一尺。小箱高九寸。長一尺。闊六寸五分。儲

寶大箱。高一尺三寸。見方一尺二寸。鑰匙匣一。高七寸。長一尺。闊五寸五分。均用枏木為之。瀝粉雲龍鳳。埽金髹飾。裏糊明黃綾。箱架二。各高二尺一寸。見方一尺八寸。枏木雕龍鳳玲瓏條環牙板。

朱髻埽金。象牙鑰匙牌三。二面雕刻龍鳳文。泥金清漢字。各繫明黃綫總五。緞面絹裏銷金袂六。箱架套衣二。鑰匙匣套衣一。

寶色池袂一。夾褥一。夾墊五。棉墊七。均明黃片金為之。

明黃紗

寶色袋一。黃案二。各見方三尺。高二尺七寸。黃油飾。明黃雲緞案衣二。

皇后金

冊如之。

寶匣及褥
袂箱墊並同。

皇貴妃金

冊十頁。每頁高七寸一分。闊三寸二分。用八成金十有五兩。

寶匣。五成金百有五兩。

寶色池。五成金六十兩。

冊

寶大箱各一。均杉木朱髹。繪紅黃金鸞鳳。裏糊明黃綾。

冊小箱。鑰匙匣各一。杉木黃油。瀝粉鸞鳳。滿埽金。明黃綾裏。箱架二。用紫椴木雕玲瓏鸞鳳。朱髹滿埽金。以上長闊尺寸。均與

皇后箱架同。象牙鑰匙牌一。二面雕鸞鳳雲泥金刻清漢字。條總全。夾袱四。箱架棉套二。夾褥一。夾墊五。棉墊六。鑰匙匣棉套一。

冊袱

寶袱

寶色池袱各一。均明黃雲緞。明黃紗寶色袋一。案二。松木成造。尺寸油飾。案衣皆與黃案同。

貴妃金

冊十頁。每頁用七成金十有五兩。

寶匣百有五兩。

寶色池六十兩。均五成金。

妃金

冊十頁。每頁用七成金十有四兩八錢。印匣百兩。印色池五十六兩六錢。均五成金。匣繪雲龍色皆用金黃。餘與

皇貴妃同。

嬪金

冊四頁。每頁用六成金十有四兩六錢二分。

冊大小箱鑰匙匣各一。繪雲鳳裏用紅綾。箱架一。棉

套一。夾袂二。鑰匙匣棉套一。均紅雲緞銷金。

冊袂一。夾墊五。夾褥一。箱架棉墊四。皆紅緞案一。紅

油飾。用紅雲緞案衣。餘製與

妃同。

皇太子金

冊。

寶匣。

寶色池製與

皇貴妃同。

冊大箱。高一尺三寸。長一尺三寸五分。闊一尺。木質。

朱髹。繪紅黃金雲龍。

冊小箱。高九寸。長一尺。闊六寸五分。木質朱髹。瀝粉金雲龍。均黃綾糊裏。

寶箱箱架。袂褥墊袋等製同前。○親王世子金

冊十頁。用五成金。每頁十有五兩。尺寸同上。寶匣。銀質飾金。百有十兩。寶色池。四十八兩。

冊大箱各一。高一尺三寸。長一尺四寸。闊一尺。小箱各一。高九寸。長一尺。闊七寸。杉木朱髹。釵銅花雲裝製。裏糊紅綾。箱架各一。高二尺一寸。見方一尺八寸。椴木雕斗牛雲文。朱髹。五采貼金。邊

釘銅質鍍金什件。架套各一。夾袱各二。夾褥各一。箱架棉墊各三。夾墊各八。皆以紅緞為之。親

王世子福晉

冊制同。○郡王飾金銀

冊十頁。每頁十有四兩。銀印。匣。印色池。重百四十兩。箱架。袱褥。墊袋等項。均與親王同。郡王福晉

冊如之。○公主金

冊四頁。制如親王。箱架。袱褥。墊袋同。○貝勒。貝子。及

夫人。並郡主。縣主。郡君。皆紙

冊。每頁高一尺一寸。闊七寸五分。貼金雲龍。面用金

黃路紬裏糊黃紡絲銀籤各二鎮國公以下奉
恩將軍以上給授

誥命長丈六尺高一尺描金龍五采裝顏玉軸二牙
籤一文武有功人員

恩旨世襲敕書長一丈用黃朝鮮貢紙印以龍邊以
上紙

冊

誥

敕均備造儲庫由中書科陸續移取○乾隆二十四

年定製辦

皇太后金

冊十頁。每頁高七寸一分。寬三寸二分。用三等赤金十有八兩。金錢每箇徑一寸五分。用三等赤金一兩五錢。

寶盞。通高八寸八分。見方八寸。蓋高一寸八分。安錠什

件全。用八成金一百七十兩。釵花鍍金銀鎖長二寸八分。鑰匙全。銀質重八兩。鍍用頭等赤金七分有奇。金印池高二寸。見方五寸。厚六釐。用八成金六十兩。儲

冊大箱。通高一尺三寸。面寬一尺三寸五分。深一尺。枳

木為之。箱蓋高二寸二分。硃漆地。瀝粉開描金雲龍鳳。裏糊黃綾。銀鍍金什件全。銀質重七十二兩八錢四分。鍍用頭等赤金二兩八釐有奇。鍍金鐵鎖。長三寸。鑰匙全。用頭等赤金二錢一分二釐有奇。儲

寶大箱。通高一尺三寸。見方一尺二寸。枰木為之。箱蓋高二寸二分。硃漆地。瀝粉開描金雲龍鳳。裏糊黃綾。銀鍍金什件全。銀質重七十二兩八錢四分。鍍用頭等赤金二兩八釐有奇。鍍金鐵鎖。長三寸。鑰匙全。用頭等赤金二錢一分二釐有奇。

儲

冊小箱。通高九寸。面寬一尺。深六寸五分。枅木為之。箱蓋高一寸八分。硃漆地。瀝粉雲龍鳳。用漆篩埽金罩漆。裏糊黃綾。銀鍍金什件全。銀質重四十六兩二錢八分。鍍用頭等赤金一兩一錢一分有奇。鍍金鐵鎖。長二寸八分。鑰匙全。用頭等赤金一錢九分有奇。鑰匙箱。通高七寸。面一尺。深五寸五分。枅木為之。蓋高一寸八分。硃漆地。瀝粉雲龍鳳。用漆篩埽金罩漆。裏糊黃綾。銀鍍金什件全。銀質重三十九兩八錢。鍍用頭等赤金

九錢七分有奇。鍍金鐵鎖。長二寸八分。鑰匙全。
用頭等赤金一錢九分有奇。箱架高二尺一寸。
見方一尺八寸。枅木為之。周圍硃漆。雕刻龍鳳
埽金。鍍金什件全。銀質重四十二兩四錢六分。
鍍用頭等赤金一兩九分有奇。鑰匙象牙牌三。
長四寸五分。寬三寸。厚六分。兩面雕龍鳳文描
金。各繫明黃綫圓條總子全。

冊

寶大箱。各用明黃緞銷金雲龍鳳面紅絹裏包袱一。各
見方五尺。明黃片金面紅絹裏棉墊二。一長一